

N. 93.

A. D. 1324

(19 febbraio; Indiz. VII)

<i>Provenienza</i>	Cattedrale.
<i>Data di luogo</i>	Barletta.
<i>Rogatario</i>	(manca).
<i>Descrizione</i>	Taglio rettang: alt. m. 0,21 e mezzo; larg. m. 0,25.
<i>Scrittura</i>	Gotica.
<i>Contenuto</i>	<i>Dominus Marianus Rossellus</i> , procuratore dell'arciprete di S. Maria, paga un'oncia d'oro e tari 22, quale tassa arretrata di anni 13 per l' <i>«Obolum Massabutinum»</i> annualmente dovuto alla Chiesa romana. L' <i>Obolum Massabutinum</i> vien calcolato <i>pro medio carleno de auro</i> .
<i>Bibliografia</i>	Inedita.

Nos Nicolaus dei gratia Laquedonensis Episcopus, et Bartholomeus de fontanarosa Canonicus beneventanus subcollectores Censum (*sic*) debitorum Ecclesie Romane per Certa loca et Monasteria tranensis provincie et dyocesis et Certis aliis locis, per venerabilem virum dominum Geraldum de Valle priorem ecclesie Sancti thome de Monte pesulano Magalonensis dyocesis, domini pape Cappellatum, ac apostolice sedis in Regno sicilie citra farum nuncium speciale, ordinati et constituti ad Recollendum Censem predictum. Presentis Apodixe tenore fatemur, presentialiter Recepisse et habuisse, apud barolum pro parte Archipresbiteri ecclesie Sancte Marie de barolo, per Manus dompni Marini Russelli procuratoris Archipresbiteri prefati pro Censu debito per eadem (*sic*) ecclesiam Sancte Romane ecclesie videlicet annuatim unum obolum Massabutinum, pro annis tresdecim retroactis. Unciam auri. unam, et tarenos viginti duos secundum extimationem dicti oboli, videlicet quodlibet obolum pro Medio Carleno de Auro prout extimatum invenimus in apodixa condam domini Guillelmi de baletto concessa eidem ecclesie super censu predicto (*sic*) in anno proximo preterito de Mense Marcii. none Indictionis. Unde ad futuram Memoriam et dicti Archipresbiteri et Ecclesie Sancte Marie ipsius terre baroli, Cautelam presentem apodixam de predictis uncia una, et tarenis viginti duobus, eis exinde fieri fecimus nostris sigillis propriis Roboratam. Datum in dicta terra baroli, die. XVIII^o februari. septime Indictionis.

N. B. — A destra si notano i fori, ma manca il sigillo pendente di *Nicolaus Laquedonensis Ep.*; a sinistra vi è il sigillo di cera rossa di *Bartholomeus*, attaccato con due fasciole di pergamena. Nella ruota si legge il suo nome e nel centro c'è un mezzo leoncino alato che sormonta un piccolo stemma sezionato con bisanti 3, 2 e 1.